

UNIVERZITET U TUZLI
Broj: 01-110-JN-8/21
Tuzla, 17.11.2021. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 06/4-110-JN-7/21 od 16. 11. 2021. godine, po punomoći Rektora Univerziteta u Tuzli broj: 01-2593-1/20 od 11. 06. 2020. godine, Direktor za ekonomske poslove donio je

O D L U K U O IZBORU NAJPOVOLJNIJEG PONUĐAČA

I

U okončanom Otvorenom postupku javne nabavke računarske opreme za Fakultet elektrotehnike (realizacija projekta VIRAL), izabran je ponuđač INGEL d.o.o. Tuzla sa ponuđenom cijenom od 42.300,00, bez uračunatog PDV-a, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i tehnički je prihvatljiva zbog čega je ocijenjen kvalifikovanim za dobro obavljanje posla.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak javne nabavke računarske opreme za Fakultet elektrotehnike (realizacija projekta VIRAL), putem Otvorenog postupka javne nabavke broj: 795-1-1-85-3-75/21 od 20.10.2021. godine objavljenom na Portalu e-nabavke, Sažetka obavještenja u Službenom Glasniku BiH broj: 65/21 od 22.10.2021.g i WEB stranici Univerziteta u ostavljenom roku ponude je dostavilo 2 (dva) ponuđača: Emado d.o.o. Sarajevo i Ingel d.o.o. Tuzla.

Analizom dostavljenih ponuda utvrđeno je slijedeće:

- Ponuda ponuđača EMADO d.o.o. Sarajevo sadrži sve kvalifikacione dokaze zahtijevane Tenderskom dokumentacijom, ali ponuđena oprema ne zadovoljava zahtijevane minimalne tehničke karakteristike. Tačnije, za stavku pod rednim brojem 1. ponuđač nije dostavio ponudu za nosač na zid, što je zahtijevano specifikacijom. Nadalje, za stavku pod rednim brojem 3. ponuđač je naveo u tehničkoj specifikaciji da ponuđeni tablet uređaj ima 32 GB interne memorije, dok je u specifikaciji zahtijevana interna memorija od 128 GB. Za stavku pod rednim brojem 4. ponuđeni smart TV uređaj ne sadrži komponente tražene specifikacijom i to: komponentni ulaz (Y/Pb/Pr) te kompozitni ulaz (AV). Takođe je

ustanovljeno da je energetska razred ponuđenog uređaja klasa G, dok je specifikacijom traženo da energetska razred bude klasa A.

Zbog naprijed navednog ponuda ponuđača EMADO d.o.o. Sarajevo se odbacuje kao neprihvatljiva.

- Ponuda ponuđača INGEL d.o.o. Tuzla sadrži sve dokaze zahtijevane Tenderskom dokumentacijom i tehnički je prihvatljiva zbog čega je ocijenjen kvalifikovanim za dobro obavljanje posla.

E-aukcija nije zakazana iz razloga što je pristigla jedna prihvatljiva ponuda.

Budući da ponuda ponuđača Ingel d.o.o. Tuzla u svemu zadovoljava zahtjeve Univerziteta predviđene Tenderskom dokumentacijom i tehnički je prihvatljiva zbog čega je ocijenjen kvalifikovanim za dobro obavljanje posla, Komisija je predložila da se istom dodijeli ugovor.


Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-110-JN-7/21 od 16.11.2021

DOSTAVITI:
1x učesnicima
1x a/a

DIREKTOR
za ekonomske poslove


Husein Matović, dipl.oec.